


卷之一

本草綱目



張大 中丞 校定

李時珍先生原本

內附萬方鍼線

衣德堂重訂
本草綱目

重刊本草綱目原序

本草一書撰自軒皇種別二十

六分爲三品與內經素問諸書

並爲世寶梁陶通明增藥一倍

隨品附入唐宋重修各有增附

此歷季之舊本也其編葺爲綱
目者自明萬曆初年楚黃李東

璧集諸家爲大成一刊於金陵

胡氏一刊於豫章藩司自金石

草木禽獸蟲魚器物菜果以及

人身膚髮垢賦通列一十六部
爲綱六十類爲目使溫涼燥濕
補瀉宜忌無微不錄誠爲濟世
要編較諸爾雅蟲魚之筆稽含
草木之狀功用不啻霄壤惜乎

兵燹屢經藩司藏板遂成灰燼
王弇州所稱如入金谷園種色
奪目登龍君宮寶藏悉陳對冰
壺玉鑑毛髮可指數者竟歸咸
陽一炬寧無惋惜余奉

命撫江見城郭北墟瘡痍滿目惻
然念之夫金湯不固失在榮衛
元元未起患在腹心闌闌未寧
病在肢體余甫下車卽築城繕
隍建營置衛清業還民爲根本

重計蓋疆域旣先文獻亦不敢
稍後故整白鹿祀典而置生徒
之贍田閱誌乘簡編而理版籍
之殘缺求綱目一書僅存其名
矣爰稽江右藩臬二司所藏舊

鏤書百有餘種俱闢經世大業
今盡化爲烏有又豈值歲稔湖
東西尤切軫念媿乏勾漏之砂
安能盡人力以補天工卽今庾
領虔州疫癘洊臻余署隣玉隆

仙井又安能借旌陽一七水以

蘇此一方民乎海內青囊肘後

不少概見醫不識方藥不諳性

任意妄投猶方鑿而圓柄是綱

目之鑊梓更有不容後于諸經

籍者公餘簡原本而特加訂正
壽之梨棗次第行之使藥石有
備而災眚無虞庶幾不至緩其
所急也夫金匱石室補忘拾遺
匪異人任倘獲以是書進之講

筵以備

睿覽使君臣佐使之用藉鹽梅之
鼎以調五味皆和三法互效養
元氣於周身付大還于庶衆以
充先聖王立言之妙而闡明東

璧氏一片苦心於天下後世使
醫俗者卽以醫國壽國者卽以
壽民奚翅多識鳥獸草木之名
與二百篇並傳哉

順治丁酉長至日撫江使者三

進本草綱目疏

湖廣黃州府儒學增廣生員李建元謹

奏爲遵奉

明例訪書進獻本草以備采擇事

臣

伏讀禮部儀制

司勘合一款恭請

聖明命儒臣開書句纂修正史移文中外凡名家著述有關

國家典章及紀君臣事跡他如天文樂律醫術方技諸書但成一家名言可以垂于方來者卽訪求

解送以備采入藝文志如已刻行者卽刷印一
部送部或其家自欲進獻者聽奉此臣故父李
時珍原任楚府奉祠奉

勅進封文林郎四川蓬溪知縣生平篤學刻意纂修
曾著本草一部甫及刻成忽值數晝撰有遺表
令臣代獻臣切思之父有遺命而子不遵何以
承先志父有遺書而子不獻何以應

朝命矧今修史之時又值取書之會臣不揣謏陋不
避斧鉞謹述故父遺表臣父時珍幼多羸疾長

成鈍椎耽嗜典籍若啖蔗飴攷古證今奮發編
摩苦志辯疑訂誤留心纂述諸書伏念本草一
書關係頗重註解群氏謬誤亦多行年三十力
肆校讐歷歲七旬功始成就野人炙背食芹尚
欲獻之

天子徵臣採珠聚玉敢不上之

明君昔炎皇辯百穀嘗百草而分別氣味之良毒

轅師岐伯遵伯高而剖析經絡之本標遂有神

農本草三卷藝文錄爲醫家一經及漢末而李

當之始加校修至梁末而陶弘景益以註釋古
藥三百六十五種以應重卦唐高宗命司空李
勣重修長史蘇恭表請伏定增藥一百一十四
種宋太祖命醫官劉翰詳校宋仁宗再詔補註
增藥一百種召醫唐慎微合爲證類修補衆本
草五百種自是人皆指爲全書醫則目爲奧典
夷考其間疵瑕不少有當析而混者如歲時女
萎二物而併入一條有當併而析者如南星虎
掌一物而分爲二種生薑薯蕷菜也而列爲二